

北洋官報

目錄

宮門抄

奏議○直督奏覆創設補習學校先設小學補習科摺
 又奏請將淮軍昭忠祠列入祀典片△又奏京奉餘利
 請免扣除片
 摺片六則
 公牘○督憲札一件△望都縣稟一件
 文告五則△裁輔四則△各省四則△各國六則
 彙編○順直諮議局陳請案
 己酉官報目錄

本日增刊己酉官報目錄一頁

本局第一百二十五期法政學報已出

宮門抄

正月初七日 京電本日 召見軍機

奏議錄要

直隸總督陳奏覆核創設補習學校先設小學補習科摺

奏為遵 旨覆核創設補習學校先設小學補習科以齊一學制恭摺仰祈

聖鑒事竊准軍機大臣字寄宣

統元年十月十七日奉

上諭端方業經革職不應陳奏事件所有摺片十一件著發交陳夔龍核覆具奏欽此

欽遵查前督臣端方原奏創設補習學校摺稱各國大高中小學校統系秩然不紊願必於學校直系以外另立專

修預備之科爲補習地者良由學校性質不齊學生勤惰敏鈍不同其間升學轉校非有應用之科學適合之學格不能繼續一貫完全無缺故各國補習學校林立或以職業餘暇從事進修或恐學校所學遺忘或因程度未能及格其種類不一甚有定爲強迫之制者其重視補習如此直省辦學有年大高中小學堂相繼設立惟各種補習學校闕如今欲一時備舉誠恐財力不及擬先辦小學補習科以便補習之生分編班級俾各小學得劃一班次藉免單級教授之難且現在私塾所學往往偏重一二科得補習科以調劑其間凡家塾之子弟卽盡屬學堂之生徒廣勸學風端在此舉惟此項學堂分班複雜設備殷繁飭由學司妥議辦法擬招十二班每班六十人共額七百二十人每年需款計一萬二千兩建築籌備之費計二萬八千兩校地擇保定城關左近之地款由支應局銀錢所分籌飭撥其常年經費俟工竣後再行設法籌備將來財政稍紓廣續推廣進及中學補習實業補習不獨教育普及全國學制井然卽人民愚智各殊亦必各備有一科之學導民善教蓋無逾此者矣等因當經臣飭行提學使傅增湘覆核詳辦嗣據詳稱補習學校在東西洋各國種類繁多大抵主持教育之人對於一般社會人民爲之增進技能補充學職直省教育情形此項學堂尤不可緩惟建築設備需款殷繁擬先設小學補習科一種一高小學生縮期畢業者可以補習滿年爲之請獎二高小受學不完全者可以補習整齊免單級教授之困難三家塾子弟曾習文學經學諸科補習二年有考入中學實業師範之資格四爲求學者計爲營業者計補習國文算術爲普通應用之要科凡此四者分之於各學堂爲力不能辦之事合之於一校則人皆有造之材所有學額經費仍照原擬辦理其餘中學實業各補習科俟籌有的款次第擴充詳請奏咨立案等情前來臣查各學招生往往因程度不符致遭擯棄卽勉強施教而鑿柄終多有補習以爲酌劑庶教所未教俾校外胥無棄材齊其不齊使校中咸皆良士於教育實有裨益除咨學部查照並分飭籌撥經費認真開辦外理合恭摺具陳伏乞

皇上聖鑒訓示謹 奏宣統元年十二月二十三日奉

硃批學部知道欽此

又奏請將天津淮軍昭忠祠列入祀典片

再准直隸提督臣姜桂題並安徽同鄉候補四品京堂吳懋鼎直隸正監理官度支部參議劉世珩廂黃旗漢軍副都統段祺瑞記名副都統何炳堃翰林院檢討金邦平通永鎮總兵雷震春前長蘆鹽運使農工商部行走周學熙永定河道呂佩芬署理天津道洪恩廣直隸候補道寶延馨等聯名呈稱同治初年髮逆甫平捻匪肆擾蹂躪六七行省自僧忠親王戰沒後捻醜愈熾 京畿震驚前督臣李鴻章仰秉 廟謨率淮軍平吳之師北援 畿輔

奮力殺賊迭獲奇捷所向有功故捻匪肅清實淮部諸軍百戰之力雖當年戰事 國史具詳然將士之臨陣捐軀

與傷發殞命積勞病故者類皆有舍生殉國之忠或年久而未邀血食查上年 朝廷追念平定髮捻回勳績最

著諸臣尚有 推恩後裔之典 皇仁浩蕩薄海同欽淮部諸軍痛勦髮回獨平捻亂 畿疆尤淮軍喋血苦

戰之地而天津爲北洋望郡祀典久付闕如揆之有功則祀之義殊不足以勵士氣而妥忠魂前督臣楊士驤心焉

傷之於是淮軍昭忠祠之建惟經費無出因查淮軍餉章年發九關十關不等餘餉扣存名曰欠餉於遣撤酌量

找發餘概歸公報銷此次建祠應由淮軍管餉局所籌款飭據淮軍銀錢所就收回逸信洋行河北地產按估變價

餘利項下酌撥並派候補道寶延馨等在天津河北購地建造現已落成請援案具奏列入祀典由地方官春秋

致祭等情前來臣查江蘇湖北各省建立淮軍昭忠祠均經奏請列入祀典由地方官春秋致祭在案今天津淮軍

昭忠祠事同一律相應仰懇 天恩俯准敕部將天津淮軍昭忠祠列入祀典由地方官春秋致祭以彰忠盡理

合附片具陳伏乞 聖鑒訓示謹 奏宣統元年十二月十九日奉 硃批禮部議奏欽此

又奏奉撥京奉鐵路餘利銀兩懇免扣除片

再北洋陸軍二四鎮光緒三十三年不敷餉項銀三十五萬兩經前署督臣那桐奏請飭部籌撥當經度支部議由京奉鐵路餘利項下撥給嗣經郵傳部以無款可提咨請設法改撥又經度支部議仍由京奉鐵路本年行車進款先提湘平銀三十五萬兩撥解應用俟路賬結算時仍在該省應得二成餘利內如數扣除奉 旨依議欽此欽

遵並准郵傳部允爲分次陸續撥解各在案惟查北洋辦理護路巡警偵探暨各項新政一切款項本藉輪電兩局並關內外鐵路餘利作爲開支自電報二成報効一項前經郵傳部奏明停止所有每年撥補北洋防費及各項學堂經費等款無不特鐵路二成餘利資爲挹注即使鐵路餘利逐年遞有增加亦僅足敷開支況北洋應得二成餘利祇光緒三十四年溢收銀十九萬兩之譜本年截至六月分止比較上年解數已短收二萬四千餘兩是二成銀遞年加增之說實無把握現在辦理新政百端並舉用款日繁虧累甚大已有不能支持之勢此次陸軍二四鎮三十三年分不敷餉項部議仍由京奉鐵路行車進款內提撥銀三十五萬兩藉資應用自係正辦惟俟路賬結算時須仍由北洋應得本年二成餘利內如數扣除不但北洋防費不敷更鉅卽護路巡警暨學務新政一切用款必致盡皆無著伏思餉項係計授之需新政學務用費又皆必需之款設有遲誤關係非輕無米爲炊萬難爲繼籌思再四惟有籲懇 天恩敕將奉撥京奉鐵路餘利銀三十五萬兩免其扣除所有北洋應得二成餘利照舊隨時撥解俾濟要用據北洋海防支應局司道詳請奏咨前護督臣崔永安未及核辦移交前來臣覆加查核委係實在情形除分別咨部查照外理合附片陳明伏乞 聖鑒訓示施行謹 奏宣統元年十二月二十日奉 硃批該部議奏欽此

摺片摘要

民政部奏京師高等巡警學堂出力人員酌擬獎叙事宜統元年十二月二十九日奉

旨依議

又片奏監督川島浪速 賞給二品銜事同日奉

旨留

又奏京師高等巡警學堂正科學生三年畢業懇請錄用事同日奉

旨依議

又片奏教員右丞延鴻 賞加二品銜事同日奉

旨依議

又片奏提調御史王履康在任以巡警道 記名事同日奉

旨留

軍諮處奏續派各省叅謀人員事同日奉

旨知道了

公牘錄要

督憲陳札覆諮議局核議良鄉等四十六廳州縣糧租徵銀一案文

爲札覆事據順直諮議局呈覆交議良鄉等四十六廳州縣糧租徵銀一案業由前護督部堂先行札覆在案茲經本督部堂詳加覆核議案所稱此案關係重大籌議稍有未當非病官卽病民自是持平之論惟原案所慮三不可行自當預籌防維之策實則詳晰審度均有毋庸過慮者爲說明理由如左 一原案徵銀徵錢轉變無定一節查光緒二十五年前督部堂裕升任廷藩司詳稱因銀價日落錢價日漲良鄉等四十六廳州縣折徵地糧有每兩多至二千七八百文請自是年下忙爲始每正銀一兩連耗雜等項減爲折徵足數二千文嗣後銀價續有漲落再行酌中核定奏准在案現在銀價大漲良鄉等四十六廳州縣徵不敷解賠累難支自須設法補救查地糧例係徵銀如該州縣徵收本色自屬名正言順至慮徵銀徵錢轉變無定此次定章俟奏報時當於摺內聲明此後永遠徵銀不得復因銀賤折徵錢文以杜取巧是一經改徵永無更變此不必慮一也 一原案改復徵銀之名而折合少有不符適以啓訟端一節地糧徵銀大戶均可交納本色其零星小戶仍須折錢交納者由官按照市價核定出示務與向來徵銀之鄰封州縣不相上下以示公平如敢任意高擡滋爲民害一經告發查實立即分別撤叅有此防維自無流弊此不必慮二也 一原案九十八廳州縣宜遵照 奏章辦理不可破壞成案一節查前奏本已聲明將來如銀價大有漲落再行察看情形奏明辦理現在銀價大漲良鄉等四十六廳州縣如仍照前折徵制錢實在不敷報解是以援案改爲徵銀此外九十八廳州縣未經改章以前自應仍照舊章徵收何能任意增加折價自干咎戾此不必慮三也至原案所稱對於賠累救濟之法一曰清賠累之源一曰究賠累之實皆指州縣出入款項而言查前准 度支部咨行清理財政章程第二十七條由清理財政局調查各處情形一面酌定公費一面提出各款項規費除津貼各署公費外概歸入該省正項收款等因本已通行飭查在案所以通籌出入原欲使牧令得以自給方能盡心民事自應俟清查就緒然後一律改革此時未便遽議又所稱對於徵收整頓之法一曰預定徵收貨幣之種類一曰漸設存匯糧租之機關查各屬徵解糧租爲國家維正之供所有司庫歲支 陵工俸餉并旗綠各營餉糧皆賴此款撥發向以實銀足色搭放由來已久今若改爲銀元銀角不特各營未必願領且北省鄉間

銀元尙少若必令以銀元交納尙須赴津省購買亦非便民之道至於由錢店解司輾轉遷延既恐有誤要需且偏僻州縣安必皆有殷實號商領解大宗正款向來錢糧責成州縣且難保不虧欠侵挪動煩奈處若銀號錢店倒閉時聞設竟虧欠正供誰任其咎號商志在營利此項糧租爲數甚鉅未必皆能匯撥若無解費於何取償以上各端事實上均多窒礙總之本督部堂初蒞是邦於百姓皆有赤子痼瘼之誼於吏民并無此厚彼薄之分所以鄭重躊躇者良以牧令賠累較深需次人員安有多金供此虧耗必至廉介者亟思引避不肖者別圖取盈轉非地方之福故爲牧令計卽所以爲地方計且俟清理州縣出入一有實數自當通盤計畫另籌良法此時惟有仍照交議原案將良鄉等四十六廳州縣糧租改爲徵銀以資補救應由該局覆加籌議呈候核奪施行爲此札覆諮議局查照須至札者

望都縣莫令蘭增稟籌辦宣講所閱報社半夜學堂各情形文附簡章並批

敬稟者竊維啓迪頤蒙增進智識宣講所閱報社尙矣而謀教育之普及尤以設立半夜學堂爲首要卑縣俗安樸陋戶鮮蓋藏一切新政惟巡務學務粗具規模其餘均未開辦卑職蒞任伊始因查風氣未開卽與闔邑紳董次第提議籌辦前項學社祇以款無可籌未能同時並舉茲查縣屬舊有土木行兼辦田房稅散牙一百十餘名從前新舊交替之際均令改換認保各狀每名呈繳規費大錢三千三百文日久相沿已成習慣卑職查此項散牙前於酌提牙行盈餘案內雖經卑前縣陸令據實稟報在案但強半虛設民間典賣房地仍由地保隣佑人等說合者多各項稅銀總不免有隱匿偷漏之弊現在奉文加價尤應切實整頓當經諭飭該散牙等暫時改領諭帖以便認真稽查說牙成交並先查明所管村莊大小分別等級上等照舊呈繳大錢三千三百文中等二千二百文下等一千一百文酌量遞減以示體恤並聲明將來辦理得手仍照向章投具認保各狀分等呈繳不必更換諭帖致費周折該散牙等均各樂從現據陸續交到大錢二百吊之譜作爲開辦宣講所閱報社半夜學堂經費已屬有盈無絀其款係化私爲公並不取之於民似屬一舉兩得之計隨卽出示週知一面片邀勸學總董崔蓮峯高等小學堂長胡家蘭勸學員丁化鎔等來署妥商辦法擬訂簡章決議每逢一四六九等日爲宣講日期二三五七八十等日爲閱報日期其每日晚上自七點鐘起至十點鐘止爲半夜學堂授課時間遂在城內大街道東借得楊姓房屋三間並先

由卑職捐廉購置各項報紙書籍以備應用其教員講員均由本城各局所紳董擔任義務不支薪水茲於十月二十九日開辦據該總董等造具學生名冊稟送前來除仍由卑職妥籌常年之款督飭紳董認真經理以期逐漸擴充外所有卑縣籌辦宣講所閱報社半夜學堂緣由理合將各項簡章開具清摺並造具學生名冊稟請 大帥查核俯賜批示立案實爲公便肅此具稟敬請 勛安伏乞 垂鑒

附錄半夜學堂簡章 一名稱 本堂專以夜間授課期與諸生白天所操職業概無妨碍故定名曰半夜學堂
一地址 本堂暫附屬宣講所內俟籌有的款再行擇地建築 一宗旨 本堂專以貧寒子弟推廣教育起見總期粗通字義能於生活上適用爲目的 一經費 本堂置備棹橈器具並逐日薪油茶水暨夫役工食等項經費均由總辦於散牙請領諭帖項下籌撥應用不取學生分文惟應用筆墨書籍須由學生自備 一教員 教員係本地辦公紳董輪流充當均盡義務不支薪水 一課程 課程以經學國文算術習字爲必修科其餘查照學生程度再行補授 一年齡 本堂既以無人不學爲第一要義年齡似不必過嚴以七歲以上三十歲以下爲合格 一額數 本堂現因房舍不甚寬大暫定五十人爲足額 一鐘點 教授時間每夜現定三小時自七點鐘起至十點鐘止 一獎勵 肄業各生程度如與初小相符准其升入高小學堂並發給畢業文憑但必須年齡合格者方可 一退學 無故退學照章追繳學費如萬不得已須陳明理由經校長許可始准退學 一假期 假期俱遵照學堂定章辦理倘有特別事故須向校長請假不得擅自離堂
附錄閱報社簡章 一本社創辦意義在於開通風氣增廣智識使人吸收中外文明通曉現今時勢爲宗旨 一本社以二三五七八十等日爲閱報日期現定每日上午自九點鐘起至十二點鐘止下午自兩點鐘起至四點鐘止以後隨晷影短長臨時酌定 一本社附設在宣講所內購置各項報紙任人觀覽不准外借 一本社設有棹橈等件專備閱報人坐用閱人不得在此久坐閒談 一本社設有夫役一名照料茶水一切並有創辦人隨時到社監查 一閱報之人如有携帶物件均須自己照料倘有遺失與本社無干 一各種報紙務須挨次傳觀閱畢仍放置原處至報內附有精細圖畫不得裁割携去違者議罰 一吸煙飲茶另設一棹備用不得在閱報棹上任意挪放並置有痰盂不得隨便吐唾

附錄宣講所簡章 一本所首重 聖諭廣訓其他適於宣講各書並各項報章臨時酌定總期轉移社會開通民智爲第一要義 一本所現借城內南街路東楊姓房屋開辦其主講員均係本地辦公紳董輪流分任 一本所以一六四九爲講演日期每日共計四小時上午自十點鐘起至十二點鐘止下午二點鐘起至四點鐘止仍於每一小時內抽出十分鐘爲休息時刻 一講員入所宣講時聽講者均宜起立致敬然後即坐靜聽不准嬉笑喧嘩妨人聽聞 一凡飲茶吸煙大小便等事均宜趁休息時行之聽講時不得隨意離坐 一聽講人數不厭衆多亦不拘定資格無論何人均可入所聽講即有衣履不整者亦不拒絕惟婦女及年輕幼孩暫緩聽講

督憲陳 批據稟並册摺均悉仰藩學兩司查核飭遵繳

 文告錄要 

督憲批示錄要○廣平府劉中度詳商人王復雷稟控劉席珍霸佔礦產訊辦情形由 批據詳商人劉席珍被控各節現經該府提訊諸多失實請另派員往查等情此案疑竇甚多自應認真澈查究辦以成信讞候飭礦政調查局迅速遴選妥員前往詳細查明會同秉公訊辦具覆核奪繳○寶坻縣于文光詳訊飭承辦漁業分局王彤控陳振清等抗不交稅一案請示遵由 批據詳已悉仰漁業公司孫道核議詳覆飭遵詳抄發稅票併發仍繳藩台牌示補錄○青縣公舉廩生孫承昇任邱縣公舉廩貢生李雲圖爲孝廉方正定於十二月二十四日當堂考驗

直隸禁煙總局批示○龍門縣申覆並無煙店無憑收捐由 批據申已悉所稱全境並無煙店領照賣煙亦未收捐想係實情惟該縣吸煙者並未少減既無煙店則私賣充斥可想而知隱蝕部捐障害煙禁實無有甚於此者昨於該縣查覆罰辦私吸稟內批令詳細覆查即仰即遵照前批認真辦理勿以稟報在前致稍迴護該令考成所關其毋自悞抄由批發

北洋高等巡警學堂告示○爲招考事照得本學堂第五期學員補習高等業於上年十一月間詳請考試畢業給發憑照在案其第六期學員留堂人數無多應即添招新班以宏造就查 民政部 奏定章程第一章第四條內開高等巡警學堂學生以本省舉貢生員及曾在中學堂以上畢業者考選等因合行先期出示爲此示仰

本省舉貢生員等知悉如有年在二十歲以外三十五歲以內者務於宣統二年正月內取具保結開明三代年籍親赴本學堂報名登冊聽候本總辦於二月上旬示期考試照章錄取其候補候選人員如有講求警務情殷嚮學者亦准報名投考以備選擇毋得觀望自誤切切特示

天津工巡捐局告示○爲示知事照得本局向章查收人力洋車捐分別自備坐用與攬拉散座兩項惟自備坐用者係按半年六個月一次納捐洋二元四角別無全年常捐查自備坐用車主多係駐津英商每於半年限滿即應續行報捐時或因公忙易於疏忽致令沿途崗警查出扣罰殊屬不便茲定自明年正月分起凡自備坐用洋車均改每年一次納捐洋四元以昭簡便其有新置報捐之車不及全年十二個月者即按每三個月一季納洋一元若再不滿一季者仍照向章每月納捐洋四角如自二月報捐至年底止則按三季零兩個月計納捐洋三元八角如自三月報捐至年底止則按三季零一個月計納捐洋三元四角餘類照推倘有匿不報捐之車仍由沿途崗警查驗按月四角加倍扣罰至攬拉散座各車戶去留無定應遵向章按月報納除分別傳飭查照外合亟示仰該自備坐用洋車各捐戶一體知悉勿致延誤切切特示

畿輔近事

郵部擬訂勸業道與電局辦事章程○郵傳部通咨各省擬訂勸業道與各電局辦事權限章程如下 甲勸業道有調查電局之責無干預電政之權電局用人行政理財三大端應如何辦理仍由職局稟承 鈞部核辦 乙各該局已設之綫路其里數杆號以及一省之中共設子局店報房若干處應由各省垣分局具文報明各該省勸業道存案如續有展修綫路等情隨時續報以備查考 丙各省垣分局委員遇調換交替時除將履歷稟報鈞部暨職局外由該員分報各該省勸業道備案 丁各省電局收費數目以及用費數目每六個月由各該局開列四柱清單報告勸業道一次仍照單另繕一分送職局備案 戊各處修造綫路工程除由職局隨時查明勸業道轉飭各該地方官保護外其工次一切設施仍由辦工人員稟報職局辦理 己各該局員如常不到差或有勒索浮收等事勸業道得有考察之權惟或撤或罰仍應由職局遵照定章稟請 鈞部辦理 庚某局修理杆綫某局杆綫被竊卽由某局就近稟咨勸業道督飭地方官妥爲保護嚴行緝究一面仍由各該局稟報

職局備案 辛擴充局店推廣綫路如料價工運等各費勸業道就地籌有的款可隨時知照各局稟報職局轉稟 鈞部即行照辦若須由局籌款應否擴充推廣仍應由職局稟商 鈞部核辦 壬各局店總辦委員對於勸業道或用移或用稟各照通例辦理 癸勸業道遇有關於該省電政事宜應行推廣整頓可隨時咨商職局核辦

呈請保護游歷外人○督憲據津海關道呈德人司達維米野麥音均由津赴奉天安東縣一帶遊歷又美國人胡本德由津赴山東省龐莊地方遊歷經過彰德即由津赴山西太谷縣地方遊歷經過臨清州彰德府又英人恩德順携眷由津赴直隸河南山山西陝西湖北遊歷各等情除咨外已分札所屬照約保護矣

天津縣議事會議覆說帖○劉崑說帖為哭叩施恩以恤老幼孤寡事 議覆說帖閱悉候據情申請南段巡警總局查核辦理此覆 薛寶元等說帖為再懇評議以回命產事 議覆說帖閱悉僅據一面之詞本會礙難調處

此覆 單玉祥說帖為速驗鄰契以定真偽仍懇施恩催辦以免久則生弊事 議覆說帖閱悉已於前說帖答覆矣此覆 劉夔揚孫祖芳說帖為請禁女伶演唱淫戲以維風化而正人心事 議覆說帖閱悉女伶演唱淫戲有妨風化業經移請巡警局禁止在案茲據所請各節仍候申請南段巡警總局嚴禁此覆 童生楊萬德說帖為蠶役舞弊借端勒索懇請設法主持而舒民困事 議覆說帖閱悉候據情移請天津縣查核辦理此覆

公善施材社同人等說帖為施材無處掩埋公懇認租義地以成善舉事 議覆說帖閱悉候移請董事會察奪辦理此覆 單連第說帖為呈請迅准轉催已收地畝應何辦法從速公決飭遵事 議覆說帖閱悉候催董事會迅速核辦此覆 如意菴住持包元真說帖為侵吞公款扣留養贍懇恩作主事 議覆說帖閱悉候移請董事會質問該廟道士王明三酌奪辦理此覆 張炳文等說帖為據情懇請速為清釐調查而維教育事 議覆說帖閱悉候催董事會迅速調查辦理此覆 朱得勝說帖為細陳原委懇恩評議事 議覆說帖閱悉此案業經審判廳交由本會移請董事會調查矣此覆

中學堂招考學生○保定優級師範學堂附屬中學堂發出招生廣告如下 一學科 文科實科各一班 二學級 第一年級 三學額 文科實科各四十人 四資格 限有高等小學四年畢業文憑者 五學齡 十

五歲至十八歲 六學膳費五元書籍操衣均自備 七考試課程 國文 歷史 地理 算術 格致 八
報名期限 宣統二年正月二十日起二十三日止 九報名處 保定北關外優級師範學堂 十獎勵 照
章請獎 十一特典 畢業後直接升入優級師範一律作為官費 十二特色功課皆優級師範教員兼任匪
他中學堂可比凡報名者均須攜帶本人半身像片及畢業文憑再本堂附屬中學第三年級尙缺學額二十名
如有中學二年修業文憑者亦可報名投考入后編入中學第三年級學膳費及書籍操衣等項均須自備考試
科目皆照中學第二程度

各省近事

學務

彙紀院屬興學事宜○皖省五河縣梁令到任後巡視各鄉鎮集調查學務頗為注意惟因該縣地瘠民貧多限於
財力困難小學未能推廣殊不足普及教育旋經大令同當地紳董一再集議先捐廉錢一百串文購置書籍傢
具於城內添設菁莪小學堂一所其教授科學均遵部章延聘教員如法教授以宏造就刻已抄錄訂定規章詳
稟撫院核示立案 又祁門縣地處僻壤民智不開從前多以設立學堂為然近年迭經歷任縣令剴切勸導
竭力經營創設學堂均有成效以故民間子弟之求學者頗不乏人前有邑紳附貢生方光灼糾約同人在於東
鄉境內分設小學堂五所其教授科學均遵章辦理刻已稟詳提學司核示立案矣

附設單級教授傳習所○浙江甯波府教育會擬附設單級教授傳習所為養成小學教員私塾教師之先導曾派
烏君人堯赴蘇研究現已畢業回甬於去年冬季大會時提及定於今年正月初七日起二十一日止按日開講
暫借府教育專事務所為校基

實業

派員調查海塘植物○浙省海塘綿亘數百里向不栽種植物自增中丞任事後三次親勸力求改良並納某紳條
呈沿塘備土概栽植物而尤以黑松為最宜即經札飭勸業道會同核議去後續經董觀察前往沿海各處週歷
查勘決擬於今春開始栽植特遴委勸業公所農務科員陳鯤候補巡檢朱秉琛二君剋日分赴沿海錢塘江上

備塘明晰調查土宜預備佈種略稱錢塘江一帶各堡石塘後之土備塘前經本道勘得尚有餘地可以種植惟是項餘地大小廣狹既有不同其或含養淡或尚鹵斥又有不同亟當調查土宜俾便研究種植合札該員等即日會同前赴錢江一帶妥為調查隨時報告

採擇製造樟腦帖說○浙江省垣有職商陳廷楨擬在金衢嚴一帶設廠製造樟腦運售行銷等情具稟勸業道立案奉批以樟腦一物近於燃質未便任憑民間設廠應歸官辦並稟奉撫憲核准方行定奪詎該商又續行稟請擬呈製腦利弊說明書當奉董觀察批示云樟腦一項既詳請撫憲歸官設廠專熬所有私廠自應停止封閉惟據稱該商等於煎腦之得失利害均有詳細說明書應准繕寫副本呈核以備採擇仰即知照此批

各國新聞

英國大臣之更調○路透電云據英國官場報告英政府現派池士爾氏為內部大臣包克斯頓氏為商部大臣比斯氏為蘭喀斯德地方參議官森穆洛氏為郵政總理并將依利班克銀行總理升為財政副大臣

英下議院選舉之結果○路透電云英國下議院此次選舉被選者自由黨二百七十四人聯政黨二百七十三人工黨四十一人國民黨八十二人內有十一人為布蘭之黨

再紀德京社會黨員滋事○柏林電云德京社會黨員羣起抗議反對普魯士改訂選舉表式問題并無作亂之意德國注意印度博覽會○柏林電云德國因印度阿拉哈巴德地方舉行博覽會於德國工商甚有利益擬派員赴該會比賽并派駐印度京城商務委員葛斯靈氏為德國監督

德國駐比公使辭職○柏林電云德國駐比利時公使瓦洛威士伯爵現在上書辭職德皇已經允許并以頭等紅鷹十字大勳章賜之以酬其勞聞繼其任者為駐義使署參贊官福洛都氏

禁止聯合公司收股○紐約電云美總統戴夫德氏訂立表式禁止聯合公司收受他公司之股

美前總統歸期已定○紐約電云美國前任總統盧斯福氏現已停止非洲遊獵擬俟遊歷巴黎柏林後於西六月

中旬回紐

英德在非洲商戰○倫敦電云英德兩國在非洲東南兩部商務均甚注意恐於商戰問題英德兩國輪船必起爭競之事

凡議紳有犯左列情事之一確有證據者得開會公議令其退會其情節重者請 督憲懲罰 一藉本會名義營私舞弊者 二無正當事故三次不到會者 三派查河工重要事項受賄隱匿及有他種受賄情節者 四其他犯各種劣迹有害本會全體名譽者 第八章 解散 第四十條 議事會議事確有違背法律時永定河道得令其停會若仍不遵禁令得由永定河道據情稟請 督院解散之 第四十一條 議員多數不應召集致兩次會議不能成立時得適用前條規定 第四十二條 議事會解散後永定河道即行通知沿河各州縣重行選舉限一月內召集開會 第九章 經費 第四十三條 議事會應需經費如左 議紳會議川費及膳宿費 書記薪水 司書公役工餉費 會中應用器具費 會中應用紙張及一切雜費 調查費 第四十四條 前項經費得於開會時預算稟候督院查核每一年度終決算稟報 第十章 附則 第四十五條 本章程有應行增刪修改之處須由議事會全體會議擬訂稟候 督院核准施行 一陳請移建大興宛平兩縣治案 竊維諮議局之設以指陳通省利病籌計地方治安為宗旨順天大宛兩縣之利病以移建縣治於城外為最要之問題縣治不移舉一切政治均難措手對於各項新政尤屬空談蓋州縣為親民之官而大宛兩縣則無暇親民非盡為縣官者之不善縣治所居之地勢使然也兩縣治皆在城內而所管地方皆在百數十里外所謂京城地面及圍城數十里之京營地面亦皆屬大宛兩縣者不過徒有空名警務則屬於內外城兩廳學務則屬於督學局詞訟則屬於審判廳地方自治在京城為市政民政部已定為專章非兩縣所能干涉即如此次諮議局之選舉奏歸大宛兩縣辦理者對於京城卒無效果是其明證其餘所有之事不過供順天府暨各衙門之委任并一切歷代相沿之弊政而已然以在京城之故舉職務以外之奔走酌應紛至沓來胥媚集於親民州縣之一身實有日不暇給之勢况所屬地方皆在百數十里外雖極勤民之官亦屬無可如何案牘委之幕僚詞訟聽於委員循行故事日求苟免於地方民事鮮有過問者是以名為首善之區而盜賊之橫行訟案之積其不治獨為全國最近年新政日興雖各地方程度不齊均有效果獨大宛兩縣迭經上官之催促終屬空文以學務言之兩縣至今其於應管鄉鎮並無官立學堂一處在京雖各有高等小學然概收客籍學生與兩縣人民毫無關涉以警務言之大興擬設巡警總局在京在鄉兩有窒礙因此屢作屢輟終難實行宛

平有鑒於此遂甘自守拙推諉而不爲以自治言之議事董事各會官紳必有聚合處所方能實行今大宛兩縣其於此事其窒碍情形較學務警務爲尤甚更苦無從著手然則大宛兩縣治之不便於所管地方既如此無益於京城又如彼是移建縣治於城外自屬必要之事惟一言移建究應設在何處是又爲極應研究之一問題也詳察地勢人情大興縣治以京南黃村鎮爲最宜應將自西便門至蘆溝橋鐵道以南屬於宛平之一小部分劃歸於大興而宛平縣治以京西北海甸爲最宜應將京北屬於大興之小部分劃歸於宛平如此一轉移間則土地既各聯爲一片於人情風俗習慣利害無不相同且均無煩盛適中重要之地又有火車可通往來便利官紳既易聯絡對於舊政則聽訟緝捕既易爲力對於新政則學務警務自治亦無往而不宜官無廢事之虞民無難通之隱况海甸近宸居游息之地人烟稠密設宛平縣治既便於拱衛而黃村依附南苑西南隅已經開墾設大興縣治亦便於查察而盡管理之責由是言之移建之說莫有便於此者或謂順天府爲行政官廳雖學務警務裁判京城俱有專官其餘各項行政以及東西陵大差諸有待於委任如大宛兩縣移居城外責將誰歸不知順天府署內有治中一官承辦其事名與實正相符合既無曠官又無廢事且官階較兩縣爲崇居中而理於勢尤便至於

東西陵大差百年而不一遇近且屢奉

諭旨絲毫不擾累民間無待兩縣之供

億卽有召喚黃村與海甸均有火車可通一日可數至此則無可慮者也或謂移建縣治需款繁多無可籌措不知僅爲遷移衙署需款無多舊章移建縣治必需修城建廟自近日政治之趨勢觀之無用之城池及一切迷信之廟宇均可無庸再建卽

孔廟一節兩縣向隨尹憲拜謁未專設學官今雖移治亦可無庸更設况兩處均有官地官廟改建衙署舊基可因其餘應用各款每縣不過數千金已足區區之數何足計較此又無可慮者也

總之移建縣治有百利而無一弊反之則有百弊而無一利爲此公同會議呈請 奏者施行

一陳請革除蒙鹽專賣病民案 案查宣化十屬三廳向食蒙鹽皆由蒙人自行銷售於內地商民蒙民相安已久

當時鹽價不過制錢二十文自光緒二十七年察哈爾籌辦防務由都統奏設鹽釐局二十九年商人王乃節又認包鹽誅稟設督銷局三十三年又鹽劬加價制錢四文鹽價每劬遂漲至制錢三四十文民食已難詎又有奸人圖謀壟斷鹽利竟以保蒙爲詞盡惑前任都統誠於本年三月奏設蒙鹽公司包收蒙鹽不准蒙民與內地商

北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨

督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲持查照舊章每科招攷自費生十名如有志入學者應即遵照後開條例來堂報名聽候定期考試勿誤為要

一分科 (甲)優級完全科 (乙)初級師範補習科 **一資格** 不拘籍貫 (甲)科中學堂及初級師範完全科畢業者 (乙)科初級簡易二年以上畢業業報司有案者

一獎勵 與官費生一律無異 **一報**

名 自宣統元年十二月二十日起至宣統二年正月二十日止親到本堂呈驗文憑備具像片填寫履歷 **一**

考試 (甲)科按照中學堂及初級師範課程考試 (乙)科按照初級師範簡易科二年課程考試錄取後應即取具安

實保人保證書備案 **一學膳費** 全年九十六元每年分正月七月兩次繳納書籍操衣均自備 **一地**

址天津河北新開河

北洋師範學堂添設優級完全科廣告

本學堂添招優級完全科學生當經咨請 提學司通飭各屬文送在案諸生如有志入學者務即於定期以內呈

請各該地方官備文申送幸勿自誤茲擬定條例如左

一學額 自二十名 **一學科** 按照部章辦理 **一資格** 曾在中學堂及初級師範完全科畢業

一獎勵 俟畢業後查照定章請獎 **一報名** 自宣統元年十二月二十日起至宣統二年正月二十日止

親到本堂投文呈驗憑照并各具像片一張填寫履歷聽候定期考試

各科功課程度分科考驗錄取後應繳呈保證全十元俟畢業後發還

一考試 按照初級完全科及中學堂 **一學膳費** 官費 **一書籍** 摻

衣自備 **一地址** 天津河北新開河

直隸全省禁煙總局廣告

現屆頒發今年春季牌照之期自本月初五日起截至二十日止凡在津各吸戶務即依期持舊照並警局蓋戳掛號憑條來局換領新照逾期不發其毋自誤

北洋師範學堂招考初級師範補習班廣告

一學額 一百二十名 二學科 修身教育國文經學歷史地理算學理化博物日語英語圖畫體操 三年齡
二十歲以上二十七歲以下 四資格 曾在初級師範簡易科二年以上畢業領有文憑者 五期限 三年期
滿升入本堂優級師範科 六獎勵 俟優級師範科畢業後查照定章請獎 七報名 自宣統元年十二月初一日起至宣統二年正月二十日止各具照像片一張親赴本堂報名處填寫履歷呈驗文憑聽候定期考試 八
考試 按照初級師範學堂第二年各科功課程度分科考驗錄取後應繳呈保證金十元俟畢業後發并還取具
妥實保人保證書備案 九學膳費 官費 十書籍 操衣自備 十一地址 天津河北新開河

北洋師範學堂招考音樂體操講習班廣告

一學額 六十名 二學科 修身教育國文歷史地理英文算學圖畫手工格致唱歌樂器樂典音譜體操遊戲
兵學生理 三資格 漢文通順體格健全向無疾病嗜好者 四年齡 十八歲以上二十五歲以下 五期限
三年畢業 咨請提學司派充各屬教員 六報名 自宣統元年十二月初一日起至宣統二年正月二十日
止各具像片親赴本堂報名處填寫履歷書聽候定期考試 七考試 檢查身體試驗國文論說一篇錄取後應
繳呈保證金十元俟畢業後發還并取具妥實保人保證書備案 八書籍 操衣自備 九地址 河北新開河

直督楊奏查明本年順直災歉州縣來春分別調劑摺
東督徐奏改編巡防隊應添器械銀兩請作正開銷片
桂撫張奏桂省產錫各處由富賀官礦局經理片

二十二日

度支部奏議覆直督等奏濟南等處商埠經費不敷請
飭撥借摺

學部奏編輯國民必讀課本簡易識字課本大概情形

摺
理藩部代奏蒙藩王公等創建殖邊學堂摺

吏部奏酌擬期滿膾錄獎叙辦法摺

二十三日

禮部會奏
宜摺

大行太皇太后几筵前行百日禮事

禮部奏
大行太皇太后几筵前行百日禮禮節

摺

東督徐等奏江省添設府廳州縣交代暫行免扣例限

一律報部片

鄂督陳奏請將湖北造紙廠機器材料免稅三年片

又奏荐舉試用道高松如等片

二十四日

禮部彙奏議覆各省奏請入祀名宦鄉賢祠摺

二十五日

承修 陵工大臣奏派 崇陵監修各員摺

學部奏議覆福建高等學堂豫科學生畢業獎勵摺

又奏奉天海城縣簡易師範畢業照章請獎摺

熱河都統廷奏敬舉賢能摺

滇督錫奏新設交涉司員缺養廉等款酌定數目摺

二十六日

學部奏直隸師範學堂初級簡易科畢業照章請獎摺

東督徐等奏江督沿邊荒務酌擬變通辦法摺

鄂督陳奏者儒萬斛泉請 宣付史館摺

二十七日

內閣奏恭修 實錄摺

農工商部奏美國舊金山中華商務總會請頒給關防

摺

浙撫增奏上海中國公學經費及京師女學建築費請

作正開銷片

又奏蘇杭甬路借款虧耗銀兩請由鹽斤加價內提撥

片

又奏撫運兩署公費仍於提存商綱款內動支片

湘撫岑奏江防兵輪擬換快砲分爲五標操練片

二十八日

禮部奏酌擬變通保選舉貢摺

甘督升奏遵設諮議局籌辦處摺

察哈爾都統誠奏查辦口外蒙漢要匪分別懲治等摺

二十九日

吏部奏定考核勞績保舉辦法片

民政部奏整頓京師內外城警政酌改廳區制度等摺

直督楊奏直隸應攤津浦路款請豫案加收鹽捐摺

甘督升奏甘肅購製 文廟禮樂各器支用銀兩摺

二月初一日

度支部奏各省舊案擬請截清年分期限開單報銷摺

禮部奏恭鑄 監國攝政王金寶謹擬變通金兩動用

鑄造摺

陸軍部奏遵議滇省酌保前辦界務出力人員獎案摺

甘督升奏設立優級師範學堂片

初二日

法部會奏請飭催京外各衙門簽註新訂刑律草案摺

浙撫增奏參刑律草案摺

科布多參贊大臣溥潤奏添設蒙小學堂摺

又奏實行禁煙情形片

初三日

修訂法律大臣奏籌辦事宜摺

東督徐等奏江省續設道府廳州酌擬設治章程摺
又奏擬修訥河至海倫道路情形摺

初四日

東督徐等奏遴員補署添改各缺摺

川督趙奏川邊用人援照廣西成案摺

駐藏辦事大臣趙爾豐奏創設關外製革工廠摺

又奏接續展辦關外醫藥局片

浙撫增奏參刑律草案摺

初五日

陸軍部奏議覆御史趙炳麟奏條陳西南馬政摺

川督趙奏改訂全省巡防營制餉章摺

又奏練兵期迫請截留練餉摺

給事中陳慶桂奏廣東賭害摺

初六日

學部奏酌擬廣東高等學堂豫科畢業獎勵分別准駁

摺

陸軍部奏宿衛營出力各員擇尤請獎摺

初七日

郵傳部會奏遵議西北鐵路條陳摺

鄂督陳奏覆陳被淹潰隄已飭籌修并辦理工賑情形

摺

恩同再造

廣東香山有患頭痛甚劇腦筋衰頹者為韋廉士大醫生紅色補丸所治愈楊君月樵為毗連澳門之香山海防公司總辦專抽海防捐事者也嘗自述其患病獲愈之情形如左云○數年前余曾患頭痛勢甚劇烈日輕夜重左穴更甚常使終夜不得合眼受此慘苦足有兩年以致胃口失調身軀瘦弱漸致胃痛背痛接踵而起甚至全身骨節無不皆痛纏綿兩載憔悴不堪自鏡面容全失康健之形雖嘗延醫中外服藥多方而竟毫無影響後聞韋廉士大醫生紅色補丸有愈疾之奇功因決意一試之然自念病根之重且久恐非是丸所能速療詎意服未幾時漸見功效連服多日殊覺爽適異常頭與全體四支痛皆全消居然復為康健之人



香山楊君 矣當未服韋廉士大醫生紅色補丸之前若多作書便覺頭暈不辦月樵患 字跡今則無論握管終日毫無頭暈之患自覺宛似重生新人痛楚頭痛腦 若失胃口極佳日能從公夜能酣睡此境此樂誠為韋廉士大醫生筋衰弱 紅色補丸之所賜也回憶醫士之言曰此種頭痛若不治愈恐將由為韋廉 此而喪生由是而知生我者豈非韋廉士大醫生紅色補丸乎能不永感深恩沒齒不忘哉 楊君月樵所患者即筋系疼痛腦筋衰頹大醫生 之症也韋廉士大醫生紅色補丸為天下著名補血補腦之聖藥所紅色補 丸所治 以能治其疾之原由自可曉然易明矣蓋是丸有清血之功且能使血有力而長新血其所生稠紅之新血能驅除身體中一切諸疾使愈

患病衰弱之體而得復原康健焉是丸嘗治愈 血薄氣衰 諸虛百損 少年斲喪 陽萎不舉 風溼骨痛 腰背疼痛 左癱右換 跳舞瘋病 腳氣衝心 胃不消化 肝經各病 瘡疥疔疹 乾溼癬癩 皮膚諸症 又為天下馳名醫治婦科聖藥即如月信不調經來腹痛舉凡少女壯婦一切諸症服之無不立奏奇功固非市上所稱紅衣紅血等丸所可比擬也 韋廉士大醫生紅色補丸中國各處商店藥局凡經售西藥之處均有出售或直向上海四川路八十四號韋廉士醫生藥局中國總發行處購買或向四川重慶白象街分局購買亦可 價銀每六瓶大洋八元每一瓶大洋一元五角 遠近郵費一律不取

上海四川路八十四號韋廉士大醫生藥局啟

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋

本行開設天津上海香港志呢華海參崴等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞洋羅縐縐粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珞藍 奇巧美術玩器 學界文房用品 旅行攜帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備購書

諸君贈品以助雅興凡購本館書籍圖畫滿現洋二元者謹贈月

份牌 一張滿四元者二張 餘可類推 不滿二元者不贈 訂定正月初十日贈起

至二月初十日止 如期內業已送完則當改贈他書臨時再行佈告

本館創辦十餘年編譯書籍將及千種茲特印成書目提要一冊欲閱者請向本館索取遠地函索即當寄奉

附 郵票購書章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

天津分館開設河北大胡同 電話五百二十六號

商務印書館啟

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年承印各
 項價目格外減讓以
 副官商雅意如蒙
 賜顧請至本局眼
 房面議可也

北洋股票交通有限公司遷移廣告

逕啟者敝公司於光緒三十四年十一月間詳蒙

北洋大臣批准設立其宗旨在於流通股票行用利便期人人勃起股分
 思想俾實業有逐漸發達之機而免貿易無門入股者因而觀望溯自開
 辦以來交易甚夥成效頗著誠為始料所不及惟原借北馬路售品總所
 本係權為會議辦公之區其房屋稍覺窄狹不足以昭接待來賓之誠意
 今准於宣統二年正月初一日遷移北馬路北洋天津銀號門內面北樓
 上房間較前寬大遇有出進股票者接洽頗形方便特此登報聲明即請
 光顧諸君移玉是幸

北洋股票交通有限公司謹白

京奉鐵路緊要廣告

本局現定得宣統二年正月初六日即西歷一千九百十年二月十五號
 起所有短期免票一律改換顏色其從前所發之短期免票無論逾期與
 否一概作廢特此廣告